



蘇文忠公集卷第五十三

書簡

與李方叔四首

久不奉書問為愧迺中辱手書勞勉益厚無狀何以
致足下拳拳之不忘如此比日起居何如今歲暑毒
十倍常年兩晝夜不止病夫氣息而已想足下閉
門著述自有樂事問從諸英唱和談論此可羨也何
時得會合惟萬萬自重不宣

又

秋試時不審從言未若可下文字須望鼎甲之捷也

晁中既不飲酒無緣作字時有一二輒為人取去無以塞好事之意亦不類足下如此僻好也近獲一銅鏡如漆色光明冷徹背有銘云漢有善銅出白陽取為鏡清如明左龍右虎備之字體雜篆隸真漢時字也白陽不知所在豈南陽白水陽乎如字應作而字使耳左月右日皆未甚曉更開為考之

又

頃年於稠人中驟得張秦黃晁及方种履常意謂天不愛寶其獲蓋未艾也比來經涉世故間關四方更欲求其似邈不可得以此知人決不徒出不有立於

先必有覺於後也如方种飄然布衣亦幾不免淳甫少游又安所獲罪遂斷棄其命言之何益付之清議而已憂患雖已過更宜慎口以安晚節

又

承示喻長安君偶患臂痛不能舉其於錢塘武朝議處傳得一方云其初本施渥寺丞者因寓居京師甜水巷見乞兒患兩足拳捺屐子行渥嘗以飲食錢物遺之凡期年不衰尋赴任數年而還復僑曩居則乞兒已不見矣一日見於相國寺前行走如飛徑就問之則曰遇人傳兩藥方服一料已能走耳服之立

効其後已傳數人皆神妙但手足上疾皆可服不拘
男子婦人秘之秘之其方元只是王氏博濟方中方
但人不知耳博濟誤以虎脰為虎腦便請長安君合
服必驗朝雲者死於惠州久矣別後學書頗有楷法
亦學佛法臨去誦六如偈以絕葬之惠州樓禪寺僧
作亭覆之榜曰六如亭最荷夫人垂顧故詳及之

與陳公密三首

途中喜見令子得聞動止之詳繼領專使手書且審
即日尊體清勝感慰無量差借白直堯乘擔索一一
仰煩神用孤旅獲濟荷德之心未易云喻來日晚方

達蒙里即如所教出陸王南華南華留半日即造宇
下一吐區區預深欣躍

又

行役艱羈託庇以濟分即丹劑拯其衰疾此意豈可
忘哉其餘言謝首盡令之昆仲比辱書示未暇修書
悚息悚息曹三班廉幹北常遠送愧感二絕句發一
笑

又

窮途棲屑獲見君子開懷抵掌為樂未央公既三事
靡寧其亦歸心所薄忽遽就別如何可言別後亟辱

惠書詞旨增重且審起一石佳勝感慰深矣某已度嶺
已脫問鵬之憂行有見口之喜但遠從惘惘未忘于
情新春保練以需驛召

與徐仲車

昨日既蒙言贈今日又以此心送盜然有得載之而南
矣辱手教極甚厚愛孔子所謂忠焉能勿誨乎當書
諸紳寢食不忘也

與吳秀才

某啓相聞久矣獨未得以此寫相盡常若有所負罪廢
淪落屏迹郊野初不意以從便道有失修敬不謂過

予衝冒大熱間關榛莽曲賜臨顧一見灑然遂若平生
之歡典刑所鍾既深歎仰而大篇璀璨健論抑揚蓋
自去中州未始得此勝侶也欽佩俯求衰晚何以為對
送別堤下恍然如夢覺陳迹具存豈有所遇而然耶
留示珠玉正快如九鼎之珍徒咀嚼一嚙宛轉而不
忍下咽也未知舟從定作幾日計早晚過金陵當得
款奉

與彥正判官

古琴當與響泉韻磬並為當世之寶而鏗金瑟瑟遂
蒙輟惠報賜之間赦汗不已又不敢遠逆來意謹當

傳示子孫永以為好也然某素不解彈適紀老枉道
見過令其侍者快作數曲拂歷鏗然正如若人之語
也試以一偈問之若言琴上有琴聲放在匣中何不
鳴若言聲在指頭上何不於君指上聽錄以奉呈以
數千里一笑也寄惠佳紙名旌重煩厚意一一捧領
訖感忤不已適有少冗書不周謹

與毛澤民推官二首

公素人來得書累幅既聞起居之詳又獲新詩一篇
及公素寄示雙石記居夷久矣不意復聞韶濩之餘
音喜慰之極無以云喻久廢筆硯不敢繼和必識此

意會合無期臨書惘惘秋暑萬萬以時自厚

寓居粗遣本帶一幼子來今者長子又授韶州仁化
令冬中當挈家至此某已買得數畝地在白鶴峯上
古白鶴觀基也已令斫木陶瓦作屋三十許間今冬
成去七十無幾矧未必能至耶更欲何之以此神氣
粗定他更無足為故人念者 聖主方設科求宏詞
公儻有意乎

又

新居在大江上風雲百變足娛老人也有一書齋名
思無邪閑知之寄示奇茗極精而豐南來未始得也

亦時復有山僧逸民可與同賞此外但緘而共之耳
佩荷厚意永以為好秋興之作追配騷人矣不肖何
足以窺其粗遇不遇自有定數然非厄窮無聊何以
發此竒思以自表於世耶敬佩來貺傳之知音感愧
之極數日適苦壅嗽殆不可堪強作報滅裂死罪

與陳輔之

某啓昨日承訪及病重不及起見愧仰深矣熱甚起
居何如萬里海表不死歸宿田里得疾遂有不起之
憂豈非命耶若得少駐復與故人一笑此又望外也
力疾書此數字

與溫公

春來景仁文自洛還復辱賜教副以超然雄篇喜抃
累日尋以出京無暇比到官隨分紛糾久稽裁謝悚
怍無已比日不審台候何如其強顏忝竊中所愧於
左右者多矣未涯瞻奉惟冀為國自重謹奉啓問
其再啓超然之作不惟不肖附託以為寵遂使東方
陋州為不朽之盛事然所以獎與則過矣久不見公
新文忽領獨樂園記誦味不已輒不自揆作一詩聊
發一笑耳彭城佳山水魚蟹爭訟寂然盜賊衰少聊
可藏拙但朋遊闊遠舍弟非久赴任益岑寂矣謫居

窮僻如存并底杳不知京洛之耗不審迨日寢食何
如某以愚暗獲罪咎自己招無足言者但波及左右
為恨殊深雖高風偉度非此細故所能塵垢然某思
之不啻芒背爾寓居去江無十步風濤烟雨曉夕百
變江南諸山在几席此幸未始有也雖有窘乏之憂
亦布褐藜藿而已瞻晤無期臨書惘然伏乞以時善
加調護

與魯直二首

晁君寄騷細看甚竒信其家多異材耶然有少意欲
魯直以己意繳歲之九人文字務使平和至足餘溢
為竒怪盖出於不得已爾晁文竒怪似差早然不可
直云耳非謂其諱也恐傷其邁往之氣當為朋友講
磨之語乃宜不知公謂然否

又

某啓方惠州遣人致所惠書承中塗相見尊候甚安
即日想已達黔中不審起居何似云大率似長沙審
爾亦不甚惡也惠州久已安之矣度黔亦無不可處
之道如聞行囊中無一錢塗中頗有好事者能相濟
給否某雖未至此然亦凜凜然水到渠成不煩預憂
但數日苦痔病百藥不瘳遂斷肉菜五味日食淡麩

兩椀胡麻茯苓抄數盃其戒又嚴於魯直但未能作文自誓且日戒一日庶幾能終之非特愈痔所得多矣子由得書甚能有益於枯槁也文潜在南極安少游謫居甚自得淳甫亦然皆可喜獨元老奄忽為之流涕病劇久矣想非由遠適也幽絕書問難繼惟倍萬保重不宣

有姪婿王郎名庠榮州人文行皆超然筆力有餘出語不凡可收為吾黨也自蜀遣人來惠云魯直在黔決當往見求書為先容嘉其有奇操故為作書然舊聞太夫人多病未易遠去謾為一言眉山有程道誨

者亦奇士文益老王郎蓋師之此兩人者有致窮之具而與不肖為親又欲往求魯直其窮殆未易療也

與陳傳道五首

某啓久不接奉思仰不可言辱專人以書為貺禮意兼重捧領惕然且審比來起居佳勝某以衰病難於供職故堅乞一閑郡不謂更得煩劇然已得請不敢更有所擇但有廢曠不治之憂耳而來書乃有遇不遇之說甚非所以安全不肖也某凡百無取入為侍從出為方面此而不遇復以何者為遇乎來使力告回區區百不盡一乍遠千萬白愛

又

衰朽何取而傳道昆弟過聽相厚如此數日所履常
謁告自徐來宋相別王八子安偕來方同舟下信宿
而歸又承傳道亦欲至靈壁以部役沂上不果佩荷
此意何時敢忘又承以近詩一冊為賜筆老而思深蘄
配亡人非求合於世俗者也幸甚幸甚錢塘詩皆率
然信筆一一煩收錄祇以累其短耳

又

某方病市人逐利好刊某拙文欲毀其板矧欲更令
人刊邪當俟稍暇盡取舊詩文存其不甚惡者為一
集以公過取其言當令錄一本奉寄今所示者不惟

有脫誤其間亦有他人文也知日課一詩甚善此技
雖高才非甚習不能工也聖俞昔嘗如此某近絕不作
詩蓋有以非面莫究獨神道碑墓誌數篇爾碑蓋被
旨作而誌文以景仁丈世契不得辭欲寫呈文多無
暇聞都下已刊板想即見之也其頃伴虜使頗能誦
某文以此知虜中皆有中原文字故為此碑謂富公
欲使虜知通好用兵利害之所在也昔年在南京有
問僕此事故終之李公文集引得閑當作向所示集
古文留子由處有書令檢送也

又

久不上問愧負深矣忽枉手訊勞來勤甚風昔之好

不替有加兼審比來起居佳勝感慰兼集新舊諸詩
幸得敬覽不意餘生復見斯作古人日遠俗學衰陋
作者風氣猶存若家伯仲間近見報履常作正字伯
仲介特之操處險益厲時流熟知之者用是占之知
公議少伸耶傳道豈久莞庫者未由面談惟冀厚自
愛重而已

又

來詩欲和數首以速欲茲此价故未暇閑居有少述
作何日見公昆仲當出相示宮觀之命已過忝矣此
外只有歸田為急承見教想識此懷履常未及拜

書因家信道區區

與龐安常

端居靜念思五臟皆止一而腎獨二蓋萬物之所終
始生之所出死之所入故也太玄罔直蒙首冥罔為
冬直為春蒙為夏首為秋冥復為冬則此理也人之
四支九竅凡兩者皆水屬也兩腎兩足兩外腎兩手
兩目兩鼻皆水之升降出入也手足外腎舊說罔與
腎相表裏而鼻與目皆古未之言也豈亦有之而僕
觀書少不見耶以理推之此兩者其液皆鹹非水而
何僕以為不得此理則內丹不成此又未易以筆墨

究也古人作明目方皆先養腎水而以心火煖之以
脾固之脾氣盛則水不下泄心氣下則水上行水不
下泄而上行目安得不明哉孫思邈用磁石為主而
以朱砂神麴佐之豈此理也夫安常博極群書而善
窮物理當為僕思之是否一報某書

與王敏仲八首

某垂老投荒無復生還之望昨與長子邁訣已處置
後事矣今到海南首當作棺次便作墓仍留手疏與
諸子死即葬於海外庶樂延陵季子贏博之義父既
可施之子子獨不可施之父乎生不挈棺死不扶柩

此亦東坡之家風也此外宴坐寂照而已所云途中
邂逅意謂不如其已所欲言者豈有過此者乎故觀
縷此紙以代面別

又

某啓得郡既謝即不敢久留故人一事有不周方欲奉
啓告別遽辱惠問且審起居佳勝寵喻過實深荷獎
借旦夕遂行益遠萬萬以時自重不宣

又

羅浮山道士鄧守安字道立山野拙訥然道行過人
廣惠間敬愛之好為勤身濟物之事嘗與某言廣州

一城人好飲鹹苦水春夏疾疫時所損多矣惟官貧及有力者得飲劉王山井水貧下何由得惟蒲澗山有滴水岩水所從來高可引入城蓋二十里以下耳若於岩下作大石槽以五管大竹續處以麻纏漆塗之隨地高下直入城中又為一大石槽以受之又以五管分引散流城中為小石槽以便汲者不過用大竹萬餘竿及二十里間用葵茆苦蓋大約不過費數百千可成然須於循州置少良田今歲可得租課五七千者令歲買大筋竹萬竿作棧下廣州以備不住抽換又須於廣州城中置得少房錢可以日掠二百

以備抽換之費專差兵匠數人巡覷脩葺則一城貧富同飲甘涼其利便不在言也自有廣州以來以此為患若人戶知有此作其欣願可知喜捨之心料非復塔廟之比矣然非道士至誠不欺精力勤幹不能成也敏仲見訪及物之事敢以此獻更苦直望仙耳世間貪愛無絲毫也可以無殺從來帥漕諸公亦多請與語某喜公濟物之事故詳以告可否其在熟籌慎勿令人知出於不肖也

又

某再啓示喻淳道孤孀救藥病厲政無急於此者矣

非敏仲莫能行之幸甚廣州商旅所聚疾疫作客先
僵仆因薰染居者事與杭相類莫可摩劃一病院要
須有歲入課利供之乃長久之利試留意米喻以此
等各任寬快意目前美哉此言誰肯然者循州周守
治狀過人議論可聽想蒙顧盼也

又

某又有少懇見人說舍弟赴容州路自英韶間舟行
由端康等州而往公能與監司諸公處輟一舟與之
否今有一家書欲告差人賈往嶺上與之曰非大罰輕
數年行遣不下屢當患禍老矣何以堪此恃公舊眷

能興哀悚恐悚恐

又

聞遂作管引蒲澗水甚喜每竿上須鑽一小眼如菜
豆大以小竹針窒之以以通塞道遠日久無不塞之
理若無以驗之則一竿之塞輒累百竿矣仍願公摩
畫少錢令歲入五十餘竿竹不佳抽換永不廢僭言
必不訝也

又

富公碑詞甚愧不工公一吏加粉飭豈至是哉舟中病
暑疲倦不謹愆之

又

某再啓林醫遂蒙補授於旅泊處衰病非小補也又
工小兒產科幼累將至且留調理渠欲往謝未令去
也乞不罪治瘴止用薑葱豉三物濃煮熱呷無不効
者而土人不知作豉入此州無黑豆聞五羊頗有之
便乞為致三石得為作豉散飲病者不罪不罪

與鄭靖老二首

某啓到雷州見張君俞前首獲公手書累幅欣慰之極
不可云喻到廉廉守乃云公已離邕矣方悵然欲求
閩從者所在少通區區忽得來教釋然又得新詩皆

秀傑語幸甚幸甚別來百罹不可勝言置之不足道
也志林竟未成但草得書傳十三卷甚賴公兩借書
籍檢閱也向不知公所存又不敢帶行封作一籠寄
邁處令訪尋歸納如未有便且寄廣州何道士處已
深囑之必不散墜某留此過中秋或至月末乃行至
北流作竹筏下水歷容藤至梧州與邁約令般家至梧
相會中子迨亦至惠矣却雇舟泝賀江而上水陸數
節方至永老業可柰可柰未嘗間以時自重不宣

又

某見張君俞乃始知公中間亦為小人所摺撫今史

以下固不知退之諱辯也而無所責等亦爾耶進退有命豈此輩所制知公竒偉必不經懷也某鬚髮盡白然體力元不減舊或不即死 聖恩汪洋更一赦或許歸農則帶月之鋤可以對事也本意專欲歸蜀不知能遂此計否蜀若不歸即以杭州為佳朱邑有言子孫奉祠我不如桐鄉之民不肖亦云然外物不可必當更臨事隨宜但不即死歸田可必也公欲相從於溪山間想是真誠之願水到渠成亦不須預慮也此生真同露電豈通把玩耶某頓首

上韓昭文

某啓遠旌祭忽已數月改歲緬想台候勝常邊徼往還後者殊勞日望馬首但迂拙動成罪戾恐不能及見公之還而去耳餘寒伏冀為國自重因李秘校行謹奉啓叅候不宣

與李廷評

某啓經由特辱枉訪適以卧病數日及連日會集殊無少暇始行忽遽不及一詣謝明日解維遂爾違闊豈勝愧負

與黃敷言二首

某啓疊辱寵訪感慰兼集晚來起居佳勝承來晨

啓行以衰疾畏寒不里不往別棟忤深矣衝涉雨霰萬
萬保綽謹令兒子候者廷不宣

又

少事干煩一書與惠州李念四秀才告為到廣州日
專遣人達之不罪亦代民師且為再三致意其再
拜

蘇文忠公集卷第五十三

蘇文忠公集卷第五十四

書簡

與陸固朝奉

某啓久留屬疾不敢造請負愧已深茲者啓行又不
往別棟忤之至謹奉手啓代違

與謝民師推官二首

某啓衰病枯槁百念已忘緇衣之心尚餘此耳蒙不
鄙棄贈以瑰瑋藏之中笥永以為好今日遂行不果
走別愧負千萬謹奉手啓代違

又



某家錄示近報若果的免湖外之行衰羸之幸可勝
言哉此去不住許下則歸陽羨民師還朝受任或相
近得再見幸矣兒子輩並沐寵問及覽所賜過詩何
以克當然句法有以發小子矣感荷感荷旅次不盡

與黃洞秀才二首

某啓經過幸一再見人來辱書甚荷存記兼審比來
起居佳勝為慰未由款奉千萬保蓄

又

寄示石刻感愧雅意求書字固不惜但尋常因事點
筆隨即為人取去今却於此中相識處覓得三紙付

去蓬僊因降數區區之意某再啓

與滕遵道二十三首

某到此時見荆公甚喜時誦詩說佛也公莫略往一
見和甫否餘非面莫能盡某近到筠見子由他亦得
自指射近地差遣想今已得替矣吳興風物足慰雅
懷郡人有賈收耘老者有行義極能詩公擇子厚皆
禮異之某尤與之熟願公時顧慰其牢落也近過文
肅公樓徘徊懷想風度不能去某至楚泗間欲入一
文字乞於常州住若幸得請則扁舟謁公有期矣

又

某啓別後不意遽聞國故哀號追慕迄今未已惟公
忠孝體國受恩尤異悲苦之懷必萬常人比日起居
何如某旦夕過江徑往毗陵相去益近時得上問也
為時自重不宣

又

某再啓承養人送到定國書所報未必是實也都下
喜妄傳事而此君又不審乃四月十七日發來邸報
至今不說是可疑也一夫進退何足道所喜保馬戶
導洛堆塚皆繫茶鹽之類亦有的耗矣二聖之德日
新可賀可賀今子各安勝未及報狀也

又

某啓耘老至又辱手書及耘老道起居之詳感慰不
可言某留家儀真獨來常以河未通致公見思之深
又有舊約便當往見而家無壯子弟須却還般挈定
居後一日可到也惟深察近日京口時有差除或云
當時亦未是實計當先起老鎬僕或得連茹耶惠貺
三十壺携歸餽婦矣於耘老能道不宣某頓首

又

聞張郎已授得發勾春中赴上安道必與之俱來某
若得旨當與之同舟于南窮困之中一既樂事古人

罕有也。不知遂此意否。秦太虛言公有意拚却逍遙堂橫廊。切謂宜且留之。想未必爾。聊且言之。明年見公當館於此。公雅度宏偉。欲其軒豁卑意。又欲其窈窕深密也。如何不罪四聲。可罷之萬一浮沉。反為患也。幸深思之不罪。

又

其再啓前者。患建茗甚奇。醉中裁謝不及。悚愧之極。本州見。願不敢久住。遠接入。到便行會。合邈未有期。不免悵惘。舍弟召命。蓋虛傳耳。君實恩禮既異。責望又重。不易不易。其舊有獨樂園詩云。兒童誦君實。走卒

知司馬持此將安歸。造物不我捨。今日類詩識矣。見報中憲言。玉汝右揆。當世見在。告必知之。京東有幹幸示諭。

又

許為置朱紅累子。不知曾令作否。若得之。携以止行。幸甚。如不及已。亦非急務。不罪。

又

某干求累子。已蒙佳惠。又為別造朱紅。尤為奇少物。意兩重。何以當克捧領。訖感愧無量。舊者昨寄在常州。今子由帶入京。俟到不日。便持上也。

又
鯪魚三百枚黑金碁子一副天麻煎一籌聊為土物
不罪浼觸令子思渴冗中不及別啓

又

某晚生蒙不鄙與名又令與立字似涉僭易願公命
命却示及作字說乃寵幸也

近得安道公及張郎書甚安健子由想已過矣青州
資深相見甚極歡今日赴其盛會閑恐要知

又

屢枉專使感忤無量兼審比來尊體勝常以慰下情

某近絕佳健見教如元素黜罷薄有所悟遂絕此事
仍不復念方知中有無量樂回顧未絕乃無量苦辱
公厚念故盡以奉聞也晚景若不打疊此事則大錯
雖二十四州鐵打不就矣既欲發一笑且欲少補左
右耳不罪不罪

又

公解印入覲當過岐亭故縣預以書見約輕騎走見
極不難慎勿枉道見過想深識此意乍冷萬乞自重

又

承差人借示李成十幅圖遂得縱觀幸甚幸甚且整

借留令李明者用公所教法試摹看只恐多累筆耳
此本真奇絕月十日後當於徐守處借人贖內令專
愛護也

又

某問廢無所用心專治經書一二年間欲了却論語
書易舍弟亦了却春秋詩雖拙學然自謂頗正古今
之誤粗有益於世瞑目無憾往往又笑不會取快活
是措大餘業聞令子手筆甚高見其寫字想見其人
超然者也

又

某啓知前事尚未已言既非實終當別白但目前紛
紛衆所共悉也然平生學道專以待外物之變非意
之來正須理遣耳若緣此得暫休逸乃公之雅意也
黃當江路過往不絕語言之問人情難測不若稱病
不見為良計二年不知出此今始行之耳西事得其
詳乎雖廢棄未忘為國家慮也此信的可示其畧否
書不能盡區區

又

示喻宜甫夢遇於傳無有其聞見不廣何足以質然
冷煖自知殆未可以前人之有無為證也自聞此事

而士大夫多異論意謂中塗必一見得相叅扣竟不
果此意衆生流浪火宅纏繞愛賊故為飢火所燒然
其間自有燒不着處一念清淨便不服食亦理之常
無足怪者方其不食不可強使食猶其方食不可強
使之不食也此間何必生異論乎願公以食不食為
旦莫以仕不仕為寒暑此外默而識之若以不食為
勝解則與異論者相去無幾矣偶蒙下問輒此奉廣
而已不罪

又

少懇干聞不罪某好携具野飲欲問公求紅朱累子
兩卓二十四隔者極為左右費然遂成藉草之樂為
不淺也有便望頒示悚息悚息某感時氣卧疾逾月
今已全安但幼累更卧尚紛紛也措道人名世昌繇
竹人多藝然可閑攷驗亦足以遣懣也留此幾年
與之稍熟恐要知

又

某欲面見一言者蓋為吾儕新法之初輒守偏見至
有異同之論雖此心耿耿歸於憂國而所言差謬少
有中理者今聖德日新衆化大成回視向之所執益
覺踈矣若變志易守以求進取固所不敢若饒饒不

已則憂患愈深公此行尚深示知非靜退意但以老
病衰晚舊臣之心欲一望清光而已如此恐必獲一
對公之至意無乃出於此乎輒恃深眷信筆直突千
萬怨之死罪安道公殆是一代異人示諭極慰喜懌
喜

又

某再啓近在揚州入一文字乞常州住如向所面議
若未有報至南都當再一入也承郡事煩煩齊整想
亦期月之勞爾微疾雖無大患然願公無忽之常作
猛獸毒藥血盆膿囊觀乃可勿孤吾黨之望而快群

小之志也情切言盡恕其拙幸甚所有二賦稍晴寫
得寄上次只有近寄潘谷求墨一詩錄呈可以發笑
也衲衣尋得不用更尋累卓感留意悚怍之甚甘子
已拜賜矣北方有幹幸示諭

又

某屏居如昨舍弟子由得安問以此外不煩遠念久不
朝覲緣此得望見清光想足慰心公至意其他無足云
者貴眷令子各計安勝關中前別急足遠寄必已收得
略示諭

又

某啓一別十四年流離契闊不謂復得見公執手恍然不覺涕下風俗日惡忠義寂寥見公使人差增氣也別來情懷不佳忽得來教甚解鬱鬱且審起居佳勝為慰某以少事更數日方北去宜與田已問去若得稍佳者當扁舟徑往視之遂一至湖見公固所願然事有可慮者恐未能往也若得請居常則固當至治下攬撓公數月也未聞惟萬萬為時自重

又

某再啓別諭具感知愛之深一一佩刻董田已遣人去問宜興親情若果爾當再小舟徑往成之然公欲某到吳興則恐難為不欲盡談唯深察之到南都欲一狀申禮曹允刊行文字皆先器板如所教也

又

有監酒高侍禁永康者與之外姻聞亦甚謹幹望畧照庇如察其可以剪拂又幸也

與朱康叔十七首

某啓專使至復領手教契愛愈厚可量感服仍審比日起居佳勝為慰舍弟已部賤累到此平安皆出餘庇不煩念及珍惠雙壺遂與子由累醉公之德也隆暑萬萬以時自重行膺殊相人還上謝

又

今子歸侍左右日有庭闈之樂恨未際見不敢輒奉書近見提舉司薦章稍慰輿議可喜可喜作墨竹人近為少閑暇俟宛轉求得當續置之呵呵酒極醇美必是故人特遣下廳也某再拜

又

某再拜近奉書并舍弟書想必達胡掾至領手教具審起居佳勝兼承以舍弟及賤累至特有厚貺羊麪酒果一捧領訖但有慚忤舍弟離此數日來教尋附洪州迤與之已遷居江上臨皋亭甚清曠風晨月夕

杖屨野步酌江水飲之皆公恩苾之餘波想味風義以慰孤寂尋得去年六月所寫詩一軸寄去以為一笑酷暑萬乞保練

又

某啓酷暑不可過百事墮廢稍踈上問想不深訝比日伏想尊履佳勝別乘過郡承賜教及惠新酒到此如新出甕極為珍奇感愧不可言因與二三佳士會同飲盛德也秋熟更望保練行膺峻陟

又

胡掾與語如公之言佳士佳士渠方寄家齊安時得

與之相見也今子必且盤桓待下中前示諭姻親事
可留示年月日恐求親者欲知之造次造次

又

郭寺丞一書乞指揮送與其人甚有文雅必蒙清願
也聞其墜馬傷手不至甚乎

某啓因循稍踈上問不審近日尊候何如某蒙庇如
昨秋色益佳郡事稀少想有遊樂無緣展奉但積思
念乍冷萬冀以時自重

又

某啓近附黃岡縣迎拜書必達專人過此領手教具

審起居佳勝凄冷此歲行盡會合何時以增悵然唯
祈善保敷文宅計此月末方離陳南河淺澁想五六
月間方到此荷公憂恤之深其家固貧甚然鄉中亦
有一小莊子且隨分過也歸老之說恐未能如雅志
又修理積弊已就倫次監司朝廷豈有遽令放閑耶
問及物食天漸熱難久停恐空煩費也海味亦不苦
食既忝雅契自當一一奉白

又

示諭親情事專在下懷然此中殊少士族若有所得
當立上聞也寫字俟少閑續納上墨竹如可尊意當

取次致左右畫者在此不遠必可求也呵呵
某啓近王察推至辱書承起居佳勝方欲裁謝又枉
教勒益增感愧數日來偶傷風百事皆廢今日微減
尚未有力區區之懷未能盡也乍暄惟冀以時珍攝
稍健當別上問次

又

閣名久思未獲佳者更乞詳閣之所向及側近故事
迹為幸董義夫相聚多日甚歡未嘗一日不談公美
也舊好誦陶潛歸去來堂惠其不入音律近輒微加
增損作般涉調哨遍雖微改其詞而不改其意請以
文選及本傳考之方知字字皆非創入也謹小楷一
本寄上却求為書拋擲之謂也亦請錄一本與元弼
為病勸不及別作書也數日前飲醉後作頑石亂篠
一紙私甚惜之念公篤好故以奉獻幸檢至

又

今子必在左右計安勝不敢奉書舍弟已到官傳聞
筠州大水城內文餘不知虛的也屏翥視銘無用之
物公好事之過不敢不寫裝成送去乞一覽少事不
免上千聞有潘原秀才以買撲事被禁某與其兄潘
丙解元至孰最有文行原自是佳士有舉業望賜全

庇暑月得早出為此人父母皆篤老聞之憂恐萬端
公以仁孝名世能哀之否恃舊干瀆不敢逃罪天覺
出監之作本以為公家審而公乃輕以與人謹收藏
以鎮篋笥然尋常不揆以亂道塵獻想公亦隨手將
與人耳呵呵

又

某啓武昌傳到手教繼辱專使隨簡感服併深比日
尊體佳勝節物清和江山秀美府事整辦日有勝遊
恨不得陪從耳雙壺珍貺一洗旅愁甚幸甚幸佳果
汝藏有法可愛可愛拙疾乍到不諳土風所致今已復常

矣子由尚未到真寸步千里也未由展奉尚冀以時
自重

又

與可船旦夕到此為之泫然想公亦耳子由到此須留也
住五七日恐知之前曾錄國史補一紙不知到否因書畧
示諭生細酒四器正濟所乏珍感生酒暑中不易調停極
清然閔仲叔不以口腹累人某每蒙公眷念遠致珍
物勞入重費豈不肖所安耶所問凌翠至今虛位雲
乃權教遣耳何足掛齒牙呵呵馮君方想如所諭極
煩留念又蒙傳示秘訣何以當此寒月得暇當試之

天覺亦不得書此君信意簡率乃其常態未可以踈
數為厚薄也酒法是用菜豆為麴者耶亦曾見說來
不曾錄得方如果佳錄示亦幸

又

疊蒙寄惠酒醋麴等一一收檢愧荷不可言不得即
時裁謝想仁明必能恕察老媳婦得疾初不輕今已
安矣不煩留念食隔已納武昌吳尉處矣適少冗不
敢稽留來使少間別奉狀次

又

見天覺書中言當世云馮君有一學服朱砂法甚奇

惟康叔可以得之不知曾得本若果得不知能見傳
否想於不肖不惜也

又

今日偶讀國史見杜羔一事頗與公相類嗟嘆不足
故書以奉寄然幸勿示人恐有嫌者江令乃爾深可
罪然猶望公憐其才短不逮而已屢有干瀆蒙不怪
幸甚其今章憲今日恐到此知之

杜羔有至性其父河北一尉而卒母非嫡經亂
不知所之會堂兄兼為澤潞判官嘗鞠獄於松
第有老婦辯對見羔出入獨語人曰此以年狀

類吾夫訊之乃羔母也自此迎侍而歸又往訪先人之墓邑中故老已盡一不知所在館於佛寺日夜悲泣忽視屋柱煤煙之下見數行字拂而視之乃父遺迹云我子孫若求吾墓當於某村家問之羔哭而往果有老父年八十餘指其丘壠因得歸葬羔官至工部尚書致仕此出唐李肇國史補近偶觀書歎其事頗與朱康疇相似因書以遺之元豐二年九月二十五日記

又

近日隨例紛冗有踈上問不審起居何如兩日來武昌如聞公在告何也豈尊候小不佳乎無由躬問左右但有馳系冬深寒澁尤宜慎護

又

章質夫求琵琶詞不敢不寄呈安行言有一既濟鼎樣在公處若鑄造時幸亦見為作一枚不用甚大者不罪不罪前日人還曾附古木叢竹兩紙必已到今已寫得經藏碑附上令子推官侍下計安勝何時赴任未敢拜書也

與胡深夫五首

某啓自聞下車日欲作書紛冗疾病因循至今疊辱
書誨感愧交集比日起居住勝未緣瞻奉伏望以時
保練

又

乍到整葺想勞神用浙西數郡例被淫雨颶風之患
而秀之官吏獨以為無災以故紛紛至此公下車倍
加綏撫不惜高價廣糴以為嗣歲之備憲司行文欲
收糴米此最良策而推戶專斗所不樂故妄造言語
聰明所照必不搖也病中手字不謹

又

某久與周知錄兄弟遊其文行才器實有過人不幸
遭喪生計索然未能東歸九江託迹治下竊謂仁明
必有以安之不在多言今託柳令咨白冗中不盡區
區

又

彥霖之政光純前後君復為僚可喜船新新輟借知
之冗中不一

又

某以衰病紛冗欲書不謹惟懇察王京兆因會幸致
區區久不發都下朋舊書必不罪也

與朱行中舍人四首

某啓別後兩奉狀想一一聞達比日履茲春和台候
勝常某留滯贛上以待春水至此月末乃發瞻望惋
悵南海雖外然雅量固有以處之矣詩酒之樂恨不
日陪接也更冀若時為國保練不宣某再拜

又

某已得舟尚在贛石之下若月末不至當乘小舟往
就之買公用人以節級持所賣錢竈去又以疾疫氣
多死亡以此求西述亦官舟無用多人故悉遣回皆以
指揮嚴切甚得乃乞知之適少冗馳問不盡區區某

再拜

又

少事不當上煩東莞資福長老祖堂者建五百羅漢
閣極宏麗營之十年今成矣某近為作記公必見之
塗中為告文安國篆額甚妙今封附去人公若欲觀
拆開不妨却乞差一公人賣付祖堂者不罪某再拜

又

某啓蒙眷厚借搬行李人感愧不在言也但節級朱
立者無狀侵漁不已又遂竄去林聰者又毆平人幾
死見禁幸所毆者此中多言於法有礙不可帶去故

漸安決不

死耳

此中多言於法有礙不可帶去故

輒牒虔云得明公書令某遺還多難畏事想必識此
心也買公用人於法無礙故仍舊帶去此二十餘人
皆謹力不作過望不賜罪窮途作事皆此類慙忤不
可言得二座船不失所幸不貽念陋句數首端欲發
一笑耳某再拜

與李之儀五首

某年六十五矣體力毛髮正與年相稱或得復與公
相見亦未可知已前者皆夢已後者獨非夢乎置之
不足道也所喜者在海南了得易書論語傳數十卷
似有益於骨朽後人耳目也少游遂卒於道路哀哉

痛哉世豈復有斯人手端叔亦老矣迨云鬚髮已皓
然然顏極丹且渥僕亦正如此各宜闕齋庶幾復見
也兒姪輩在治下頗與教習一書幸送與其大醉中
不成字不罪不罪

又

某啓契闊八年豈謂復有見日漸近中原辱書允數
喜出望外比日起居住勝某已得舟決歸許如所教
而長子邁遽捨去深以為恨報除輦運似亦不惡近日
除目時有如人所料者此後端叔必已信矣但老
境少安餘皆不足道乍熱萬苗以時自愛某再拜

又

某以囊裝罄盡而子由亦久困無餘故欲就食淮浙已而深念老境知有幾日不可復作兩處又得子由書及見教語充切已决歸許下矣但須少留儀真令兒子往宜興刮制變轉往還須月餘約至許下已三月矣去歲在廉州託孫叔靜寄書及小詩達否叔靜云端叙一生坎壈節益牢落賴魚軒賢德能委曲相順適以忘百憂此豈細事不爾人生豈復有佳味乎叔靜相友想得其詳故輒以奉慶忝契不罪

又

近孫叔靜奉書遠迎得達否比來尊體如何眷聚各安勝某蒙恩領真祠世間美仕復有過此者乎伏惟君恩之重不可量數遥知朋友為我喜而不寐也今已到虔即往淮浙間居處多在毗陵也子由聞已歸許秉燭相對非夢而何一書乞便與餘惟萬萬自愛某再拜

又

某啓辱書多矣無不達者然不一荅非特衰病簡懶之過實以罪垢深重不忍更以無益寒温之問玷累知交然竟不免累公慚負不可言比日承已赴穎昌

伏惟起居佳勝春聚各安慶其移永州過五羊度大
庾至吉出陸由長沙至永荷叔靜擎舟相送數十里
大浪中作此書上問無他祝惟保愛之外酌酒與婦
飲尚勝俗侶對梅三丈詩云耳

與馮祖仁四首

某慰疏言伏承艱疾退居久矣日月逾邁哀痛理極
未嘗獲陳區區少解思慕萬一實以漂寓窮荒人事斷絕非
敢慢也比辱手疏且審孝履支持廓然愈遠追慟何
及伏冀俯禮適變寬中強食謹奉慰疏不次

又

蒙示長牋粲然累幅光彩下燭衰朽增華但以未拜
告命不敢具啓荅謝感恠不可言喻老瘁不復疇昔
但偶未死爾水道間關寸進更二十餘日方至曲江
首當詣字下區區非面不既乏人寫大狀不罪手拙
簡畧不次

又

昨日辱遠近喜慰難名客散已夜不能造門蚤來又
聞已走松楸未敢上謁領手教愧悚無地至節想惟
孝思難堪柰何來日當往謁慰節辰蒙惠羊邊酒壺
仁者之餽謹以薦先感佩不可言也

又

兩日不果詣見伏計孝履如宜欲告借前日盛會包子厨人一日告白朝散絕早遣至不罪不罪家人輩欲遊南山祖仁若無事可能同到彼閑行否

與黃師是

行計屢改近者幼累舟中皆伏暑自愍一年在道路矣不堪復入汴出陸又聞子由亦窘用不忍更以三百指諉之已決意旦夕渡江過毘陵矣荷憂愛至深故及之子由一書政為報此事乞蚤與達之塵埃風葉滿室隨掃隨有然不可撥掃以為賢於不掃也若

知本無一物又何加焉有詩錄呈簾卷窓穿戶不扁隙塵風葉任縱橫幽人睡足誰呼覺款枕牀前有月明一笑一笑某再拜

蘇文忠公集卷第五十四

蘇文忠公集卷第五十五

書簡

與廣西憲曹司勳五首

某啓奉別忽二載奔走南北不暇附書申問子由轉
附到天門冬煎故人於我至矣日夜服食樂月遂盡
之到惠州又適中領手書百懶廢已放不即裁謝死罪
死罪

又一云與林天和

某啓專入辱書仰服眷言序仍審比來起居清勝至慰
至慰長子未得耗小兒數日前往河源獨幹築室極

為勞冗承惠牙蕉數品有未嘗識者幸得徧嘗感愧
不已忽忽奉謝

又

某啓數日稍清冷伏惟起居佳勝構架之勞殊少休
暇思企清論日積滯念尚冀保衛區區之至因吳子
野行附啓不宣

又

某啓專人至賜教累幅慰拊周至且審比來起居佳
勝感慰兼至某得罪幾二年矣愚陋貪生輒緣聖主
寬貸之慈灰心槁形以盡天年即目殊健也公別後聞微疾

盡去想今益康佳養生亦無他術安寢無念神氣自
復知呂公讀華嚴有得回所望於斯人也居閑偶念
一事非吾子方莫可告者故崇儀陳侯忠勇絕世死
非其罪廟食西路威靈丕肅然願公與程之邵議之或
同一削乞載祀典使此佳英魄少信眉於地中如何
如何然慎勿令人知不肖有言也陳侯有一子在高
郵白首頗有立知之蒙惠竒茗丹砂烏藥敬餌之矣
西路洞丁足制交人而近之歲緩馭少方殆不可用願
為朝廷熟講之此外惟留萬自重

又

公勸某不作詩又却索近作閑中習氣不免有一二
然未嘗傳出也今錄三首奉呈看畢便毀之切祝千
萬惠州風土差厚山水秀乃邃食物粗有但少藥耳近
報有永不叙復旨揮正坐一穩處亦且任運也子由頻
得書甚安某惟少子隨侍餘皆在宜興見今全是一
行脚僧但喫些酒肉耳此書此詩只可令之邵一閱
餘人勿視也

與晦夫

一云與趙仲脩

某啓辱荅教感服風月之約敢不敬諾庾公南樓所
謂老子於此興復不淺便當携被往也

與范夢得八首

某啓一別俯仰十五年所喜君子漸用足為吾道之
慶比日起居何如某旦夕南遷後會無期不能無悵
惘也過揚見東平公極安行復見之矣新著必多無
緣借觀為耿耿耳乍暄惟順候白重因李豸秀才行
附啓上問不宣

又

某啓辱教字起居佳勝郊外路迷不當更煩屈臨可
且寢處耳有事以書垂喻可也田介紙望示及來日自
不出只在舟中靜坐惠貺鳳團感意眷之厚熱甚不

謹

又

某啓辱教承台候康勝為慰得請知幸以未謝尚稽
謁見竦息竦息子功復舊物甚慰衆望來日方往浴
室也人還忽卒不宣

又

某啓不肖所得寡薄惟公愛念以道義相期眷子無
窮既承感戀不可言乍寒不審起居休否某已次陳
橋瞻望益遠惟萬萬以時自重

又

今日謁告不克往見辱教伏承文體佳勝楊君舉家
人服其藥多效亦覺其穩審然近見王定國云張安
道書云曾下踈藥數日不能食又謝之不如意然不
知果爾否有聞不敢不盡

又

某啓辱手柬且審起居佳勝為慰和篇高絕木與種
者皆被光華矣幸甚幸甚舊句奇偉試當強勉繼作
忽忽不宣

又

某啓違遠二年瞻仰為勞辱書曰承起居佳勝慰喜可

量觀罷當往造門併道區區

又

某啓昨日方叔處領手誨今又辱書備增感慰乍冷台候勝常未由詣見但有欽仰忽忽上啓

與李無悔

某啓久留浙中過辱存顧最為親厚既去又承追餞最遠自惟衰拙衆所鄙棄自非風義之篤何以至此既別但有思詠兩辱書教具審起居佳勝今歲科舉聞且就鄉里承示喻進取之意甚倦盛時美才何遽如此且勉之決取為望新文不惜見寄未緣集會惟

萬萬自重不宣

與李公擇

某啓兩日連見忽忽竟何言暄和起居何如夷仲送王徐州詩有見及語方是時人以相識為諱欲一見面道此為笑竟不見可太息也適所白是宗人棧雅州幕不一

與程懷立

昨日辱訪感忤不已經宿起居住勝蒙借示子明傳神筆勢精妙髣髴莫辨恐更有別本願得一軸使觀者動心駭目也嶺海間絕不謂生遂復得瞻奉慰幸

之極比日履此秋涼起居佳勝少選到岸即伏謁以
盡區區

與孫叔靜七首

昨日辱臨顧夙昔之好不替有加感嘆深矣屬飲藥
汗後不可以風未即詣謝又枉使旌重增悚惕捧手
教且審尊體佳勝旦夕造謁以究所懷

又

辱手教伏審晚來起居佳勝惠示珠攬頃所未見非
獨下視沙塘矣應當一笑羊麪酒醋為惠禮意兼厚
敬已拜賜感佩之極

又

前日辱下顧尚未走謝悚息不已捧手教承起居佳
勝卑體尚未清快坐阻談論為悵惘也惠示妙劑及
方獲之幸甚從此衰疾有瘳矣

又

已別瞻企不去心辱于教且審佳勝感慰之極早來
風起舟不敢解故復少留因來淨慧與惠州三道人
語耳無緣重詣臨紙悵悵

又

今子重承訪及不暇往別為愧深矣珍惠菜膳增感

作也河源藤已領衰亦可恃矣

又

眉山人有巢谷者字元修曾應進士武舉皆無成篤於風義已七十餘矣聞其謫海南徒步萬里來相勞問至新興病亡官為藁殯錄其遺物於官庫元修有子蒙在里中某已使人呼蒙來迎喪頗助其路費仍約過永而南當更資之但未到耳旅殯無人照管或毀壞暴露願公愍其不仕年因巡檢至其所特為一言於彼守令得稍修治其殯常戒主者保護之以須其子之至則恩及存亡耳一死罪死罪

又

去德彌月思仰縈懷比日發此新陽起居增勝行路百阻至英方再宿矣少留數日此去尤艱闕借舟未知能達韶否流行坎止輒復任緣不煩深念也後會未卜惟萬萬為國自重

荅劉賁父二首

久闊暫聚復此違異悵惘至今公私紛紛有失馳問辱書感怍無量字畫妍潔及問來使云尊貌比初下車時暫且澤矣聞之喜甚比來起居想益佳何日歸覲慰士大夫之望未間萬萬為時自重不宣

又

某忝冒過甚出於素獎然迂拙多忤而處爭地不敢
作久安計兄當有以教督之五指汗顏旁觀之請柰
何柰何舉官之事有司逃失行之罪歸咎於兄清明
在上豈可容此小子何與焉茯苓松脂雖乏近効而
歲計有餘未可棄也默坐反照瞑目數息當記別時
語耶

荅曾子宣三首

某啓流落江湖晚復叨遇諸公知炤如一日也孤愚
寡與日親高誼謂可永久不謂尚煩藩翰之寄違闊

以來思仰日深辱書教伏審履茲秋涼台候萬福欣
慰之極二聖思治求人如不及公豈久外惟千萬順
時為國自愛

又

自公之西有識日望詔還豈獨契愛之末邊落寧肅
公豈久外哉示喻塔記久不馳納愧恐之極乞少寬
之秋涼下筆也親家柳子良宣德赴潞幕獲在屬城
知幸知幸謹奉手啓冗迫不盡區區

又

某啓辱教伏承台候萬福為慰塔記非敢慢蓋供職

數日職事如麻歸即為詞頭所迫率以夜半乃息五
更復起實未有餘暇乞限一月所敢食言者有如河
頽公一笑而怒之旦夕當卜一邂逅而別

與李公擇

秋色佳哉想有以為樂人生惟寒食重九慎不可虛
擲四時之變無如此節者近有潮州人寄一物其上
云扶劣膏不言何物狀似羊脂而堅盛竹筒中公識
此物否味其名必佳物也若識之當詳以示可分去
或問習南海者子由近作樓賢僧堂記讀之慄慄覺
崩崖飛瀑逼人寒栗

與姜唐佐秀才 六首

某啓特辱遠訪意貺甚重衰朽廢放何以獲此悚汗
不已經宿起居佳勝長牋詞義兼美窮陋增光病卧
不能裁荅聊奉手啓

又

某啓昨日辱夜話甚慰孤寂示字承起居安勝竒殊
佳惠感服至意當同啜也適睡不即荅悚息某頓首

又

今日霽色尤可喜食已富取天慶觀乳泉潑建茶之
精者念非君莫與共之然蚤來市無肉當相與啖菜

飯爾不嫌可只今相過。某啓上

又

適寫此簡得來示知。巡以礙有會更不敢邀請會。若散早可來啜茗否。酒麪等承佳惠。感愧感愧。來旦飯必如諾。十月十五日白。

又

某啓。別來數辱問訊。感作至意。毒暑具喜。起居佳勝。堂上嘉慶甚慰所望也。知非久適。五羊益廣學問。以卒遠業。區區之禱。此外。萬萬自重。不宣。

又

某已得合浦文字。見治裝。不過六月初離。此只從石排或澄邁渡海無緣。更到瓊會見也。此懷甚惘惘。因見貳車畧道下。懇有一書至兒子。邁處從者往五羊時。為帶去。轉託何崇道附達為幸。

兒子治裝冗甚。未及奉啓。所借烟蘿子兩卷。吳志四冊。會要兩冊。並馳納。

與傅維巖秘校四首

某啓。專人至承不鄙。罪廢長牋。見及援證。古今陳義甚高。伏讀愧感。仍審比來起居佳勝。至慰至慰。守局海徼。淹屈才美。然仕無高下。但能隨事及物。中無所

愧即為達也伏暑萬萬自愛不宣

又

衰病裁荅草草不訝知不久美解即獲會見至喜至喜掩骼之事知甚留意旦夕再遣馮何二士面稟亦有錢物在二士處此不覩縷曾城荔子一籃附去人持上不罪不罪某又上

又

某啓遠蒙惠書非眷念之厚何以及此仍審比來起居佳勝感慰兼集老病之餘復此窮獨豈有再見之期尚冀勉進學問以究遠業餘惟萬萬自愛不宣

又

官事有暇得為學不輟否有可與往還者乎此間百事不類海北但杜門面壁而已彼中如有麓藥治病者為致少許此間如蒼朮橘皮之類皆不可得但不嫌麓賤為相度致數品不罪不罪

與林天和長官二十三首

某啓近辱手書冗中不果即荅悚息悚息春寒想體中佳勝火後凡百想勞神用勤民之意計不倦也未由披奉萬萬自愛不宣

又

某啓專人辱書具審起居佳勝為慰春物益妍時役
尋賞否想亦以雨軫懷也未由往見萬萬若時加攝
不宣

又

小兒往循已數日矣賤累閏月初可到此新居旦夕
畢工承問及感感不已領書又惠筍蕨益用愧刻聞
相度移邑果爾否

又

某啓辱手教伏承起居佳勝甚慰馳仰承問賤累正
月末已到贛上矣閏月上旬必到此也考室勞費乃

老業也旦夕遷入未由會見萬萬以時自重不宣

又

花木栽感留意惠貺鹿肉尤增慚荷某又上

又

某啓近數奉書想皆達兩後清和起居佳勝花木悉
佳品又根撥不傷遂成幽居之趣荷雅意無窮未即
面謝為媿耳人還忽忽不宣

又

某啓昨辱訪別尤荷厚眷恨老病龍鍾不果詣違愧
負多矣經宿起居何如果成行未忘己為民誰如君

者願益進此道辟之農夫不以水旱而廢蔗菘也此
外萬萬自愛不宣

又

某啓比日蒸熱體中佳否承惠楊梅感佩之至聞山
善花欲出錄夢得詩去庶致此餽也呵呵豐樂橋數
木匠請假暫歸多日不至敢煩白麾句押送來為幸
草草奉啓不罪

又

某啓人來辱書具審比日尊體佳勝甚慰所望出意
加減秧馬曲盡其用非拊字究心何以得此具白太

守矣乍熱萬萬以時加畜不宣

又

某啓人來辱手教具審起居佳勝吏民畏愛謠頌布
聞甚慰所望秧馬聊助美政萬一耳何足云乎承示
諭愧悚之至僧磨已成秋涼當往觀也毒熱萬萬為
民自愛不宣

又

某啓辱教承微疾已平起居清勝甚慰馳仰暑雨不
常官事疲勤攝衛為難惟加意節調以時休息為佳
也忽忽不宣

又

某啓多日不奉書思仰之至伏一者尊體何如惠貺荔子極佳郡中絕少得與數客同飲幸甚幸甚未由合會萬萬以時自愛某再拜

又

某啓辱手教承起居佳勝久以冗率有關馳問愧企深矣承惠龍眼牙蕉皆郡中所乏感怍之至未由瞻奉萬萬以時自重不宣

又

高君一卧遂化深可傷念其家不失所否瘴疫橫流

僵仆者不可勝計奈何奈何其亦旬日之間喪兩女使謫居牢落又有此狼狽想聞之亦為之憮然也某再啓

又

某啓近日辱書伏承別後起居佳勝甚慰馳仰數夕月色清絕恨不同賞想亦對罍獨酌而已未即披奉萬萬自重人還布啓不宣

又

某啓近辱過訪病中恨不款奉下人來枉手教具審起居佳勝至慰至慰旦夕中秋想復佳風月莫由陪接

增悵仰也乍涼萬萬自重不宣

又

某啓人還奉書必達即候漸涼起居佳否疊煩願白感忤交深未緣面謝惟祝若時自重不宣

又

某啓秋高氣爽伏計尊候清勝盼公字已就想日有佳思未緣披奉萬萬以時珍蓄不宣

又

某啓前日人回裁謝必達比日履茲薄冷起居佳否未緣展奉但有翹想尚冀保德區區之至不宣

又

某啓近奉狀知入山未還即日想已還治起居佳否往來衝冒然勝遊計不為勞也未瞻奉間更乞若時自重不宣

又

某啓辱書伏承起居佳勝示諭幼累已到誠流寓中一喜然老穉紛紛口衆食貧向之孤寂未必不佳也可以一笑蒸鬱未解萬萬以時自重不宣骨肉遠至重為左右費羊麩鱸魚已拜賜矣感忤之至

又

某啓從者往還見過皆不款奉愧仰何勝辱書承起居清勝聞還邑以來老穉鼓舞數日調治想復清暇矣歲莫萬萬加愛不宣

又

某啓昨日江干邂逅未盡所懷來日欲奉屈登膳庶少款曲關人不獲躬詣不罪

與張朝請五首

某啓兄弟流落同造治下蒙不鄙遺眷待有加感服高誼悚佩不已別來未幾思仰日深比來起居何如

某已到瓊過海無虞皆託餘庇旦夕西去回望逾遠後會無期惟萬萬若時自重慰此區區途次裁謝草草不宣

又

海南風物與治下畧相似至於食物又烟蕭條之甚去海康遠矣到後杜門默坐喧寂一致也蒙差人津送極得力感感舍弟居止處若得必成令渠獲一定居遺物離人而遊於獨乃公之厚賜也兒子幹事未暇上狀不罪某上啓

又

某再啓聞已有詔命甚慰輿議想日夕登途也當別具賀幅某關人寫啓狀止用寸書乞加恕也子由荷存庇深矣不易一二言謝也新春臨海上嘯詠之餘有足樂者島中孤寂春色所不到也其小再拜

又

某啓久不上狀想察其衰疾多畏非止簡慢也新軍使來捧教字且審比日起居住勝感慰兼極某到此數卧病今幸少間久逃空谷日就灰枯而已因書瞻望又復悵然尚異若時有厚區區之餘以意也不宣

又

新釀四壺開嘗如宿昔香味醇冽有京洛之風逐客何幸得此但舉杯屬影而已海錯亦珍絕此雖島外人不收此得之又一段奇事也眷意之厚感怍無已

荅漢卿

某啓辱教承起居佳勝為慰知不久入城遂當一見何幸如之地黃煎已領感怍適自局中還熱甚懣塞奉書地黃煎家寄惠極佳薑蜜之劑甚適宜也仰煩神用愧感不可言

